
CYD-BWYLLGOR CORFFOREDIG Y GOGLEDD

23 Ionawr 2026.

TEITL: Cronfa Partneriaeth Arloesi Gogledd Cymru
- Bwrdd Arloesi Gogledd Cymru

AWDURON: Alwen Williams, Prif Weithredwr
Iain Taylor, AMION Consulting

1. PWRPAS YR ADRODDIAD

- 1.1. Crynhoi'r cynnydd sydd wedi'i wneud ar gynnig Cronfa Partneriaeth Arloesi Gogledd Cymru a cheisio cymeradwyaeth i gyflwyno 'Mynegiant o Barodrwydd' a Cylch Gorchwyl ar gyfer Bwrdd Arloesi Gogledd Cymru newydd.

2. Y PENDERFYNIAD A GEISIR

- Cymeradwyo'r Cylch Gorchwyl sydd ynghlwm wrth yr adroddiad hwn fel **Atodiad 1**.
- Cyflwyno Mynegiant o Barodrwydd ar gyfer cynnig Cronfa Partneriaeth Arloesi Lleol Gogledd Cymru.

3. Y RHESWM DROS Y PENDERFYNIAD

3.1. Cefndir

- 3.1.1 Ym mis Gorffennaf 2025, penderfynodd y CBC groesawu cynigion ar gyfer Bwrdd Arloesi Gogledd Cymru. Ers yr amser hwn, mae rhanddeiliaid 'Gweithgor y Bwrdd Arloesi' wedi bod yn gweithio gyda'i gilydd ar gwmpas a rôl Bwrdd o'r fath. Roedd llawer o'r drafodaeth gychwynnol yn ystyried sut y gallai bwrdd â ffocws ddod ag arbenigedd ac arweiniad ar themâu arloesi i gefnogi cyflawni'r Parth Buddsoddi yn debyg i'r ffordd y mae'r Bartneriaeth Sgiliau Rhanbarthol yn cefnogi Strategaeth Sgiliau'r Parth Buddsoddi.

- 3.1.2 Mae'r cyfle am fwrdd arloesi rhanbarthol wedi datblygu'n sylweddol ers cyhoeddiad y Llywodraeth am y Gronfa Partneriaeth Arloesi Leol.

3.2. Cronfa Partneriaeth Arloesi Leol

- 3.2.1 Mae'r Llywodraeth wedi cyhoeddi ei bwriad i weinyddu £500m ar gyfer rhaglen o Bartneriaethau Arloesi Lleol ledled y DU. Mae rhai rhanbarthau, gan gynnwys Prifddinas Ranbarth Caerdydd, wedi cael £30m wedi'i glustnodi iddynt, tra bod rhanbarthau eraill, gan gynnwys Gogledd Cymru, yn cael eu gwahodd i ystyried proses gystadleuol i sicrhau £20m o gyllid refeniw a chyfalaf. Mae'r rhaglen Partneriaeth Arloesi Leol yn rhaglen 5 mlynedd sydd â'r bwriad o gefnogi arloesedd ar draws diwydiant, y byd academiaidd a'r sector cyhoeddus (yr helics triphlyg).

- 3.2.2 Mae ffocws thematig y cynnig yn esblygu ond mae'n debygol y bydd yn canolbwyntio ar y cyfleoedd 'Gweithgynhyrchu Cynaliadwy' i fusnesau ledled y Gogledd ymateb i'r cyfleoedd buddsoddi mawr gan gynnwys Porthladd Rhydd Môn, Parth Twf Dealluswydd Artiffisial, Rhaglen SMR Wylfa, Rhaglen Ynni ar y Môr, Cynllun Twf Gogledd Cymru a Pharth Buddsoddi Sir y Fflint a Wrecsam.
- 3.2.3 Os caiff ei gymeradwyo, disgwylir y bydd Uchelgais Gogledd Cymru yn cyflwyno'r 'Mynegiant o Barodrwydd' i UK Research and Innovation erbyn y dyddiad cau ar 12th Chwefror, 2026. Bydd rhagor o fanylion am y cynnig yn dod yn ôl i'r CBC os bydd UKRI yn gwahodd y rhanbarth i baratoi cynnig.
- 3.2.4 Mae bwriad clir gan y partneriaid, y bydd buddsoddi a chyflawni yn digwydd yn lleol ac ar draws y Gogledd ac yn ategu'r trefniadau cyllido presennol.

4. YSTYRIAETHAU ARIANNOL

- 4.1. Mae Uchelgais Gogledd Cymru wedi cefnogi'n ariannol ddatblygu'r Gronfa Partneriaeth Arloesi Leol a chynigion ar gyfer Bwrdd Arloesi Gogledd Cymru.
- 4.2. Bydd yr ystyriaethau ariannol sy'n ymwneud â'r Bwrdd Arloesi yn cael eu pennu gan y Bwrdd mewn cyfarfodydd cynnar i benderfynu ar lefel yr adnoddau sydd eu hangen i weithredu'r rhaglen. I ddechrau, bydd y Bwrdd yn cael ei gefnogi gan Uchelgais Gogledd Cymru o adnoddau o fewn rhaglenni presennol.
- 4.3. Bydd yr ystyriaethau ariannol sy'n ymwneud â chynnig y Gronfa Partneriaeth Arloesi Leol yn dod yn ôl i'r CBC unwaith y bydd UKRI wedi cadarnhau bod y Gogledd yn cael ei wahodd i gyflwyno cynnig ffurfiol. Byddai hyn yn gynnwys gweinyddu hyd at £20m dros 5 mlynedd gyda'r mwyafrif o'r arian yn cael ei ddosbarthu i bartneriaid ledled y Gogledd.

5. YSTYRIAETHAU CYFREITHIOL

- 5.1. Bydd agweddau cyfreithiol y Gronfa Partneriaethau Arloesi Lleol, gan gynnwys Memorandwm Cyd-ddealltwriaeth partneriaeth a chytundebau cyflawni a chyllido yn dod yn ôl i'r CBC yn y dyfodol unwaith y bydd wedi'i gadarnhau y bydd y Gogledd yn paratoi cynnig ffurfiol.
- 5.2. Mae'r Cylch Gorchwyl sydd ynghlwm yn nodi'r sail ar gyfer gweithredu'r Bwrdd Arloesi.

ATODIADAU:

Atodiad 1: Cylch Gorchwyl Bwrdd Arloesi Gogledd Cymru

YMATEB Y SWYDDOGION STATUDOL

i. **Swyddog Monitro**

"Mae'r adroddiad hwn yn gam interim wrth greu'r Gronfa Bartneriaeth. Pan fydd manylion y cynnig yn cael ei ystyried am gymeradwyaeth gan y CBC, bydd angen manylder ac alinio'r strwythurau a'r swyddogaeth llywodraethu."

ii. **Swyddog Cyllid Statudol**

"Nid oes gennyf unrhyw wrthwynebiadau i'r penderfyniad a geisir o safbwynt ariannol. Nodaf o baragraff 4.3 y bydd yr ystyriaethau ariannol sy'n ymwneud â chynnig y Gronfa Partneriaeth Arloesi Leol yn dod yn ôl i'r CBC unwaith y bydd UKRI wedi cadarnhau bod Gogledd Cymru yn cael ei wahodd i gyflwyno cynnig ffurfiol."